



*ODLUKA
O DODJELI PRIZNANJA
„POČASNI GRAĐANIN GRADA SARAJEVA“
(prijedlog)*

*Predlagač: Komisija za izbor i imenovanja
Obrađivač: Gradska služba za Gradsko vijeće*

Sarajevo, februar 2018. godine





Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08), kao i na osnovu člana 7. Odluke o priznanjima i nagradi Grada Sarajeva („Službene novine Kantona Sarajevo“, broj 34/10, 14/14 i 31/14), Gradsko vijeće Grada Sarajeva, na sjednici od _____ godine, donijelo je

ODLUKU
O DODJELI PRIZNANJA
„POČASNI GRAĐANIN GRADA SARAJEVA“
(prijedlog)

Član 1.

Dobitnik priznanja „Počasni građanin Grada Sarajeva“ je *Stjepan Mesić*

Član 2.

Priznanje se dodjeljuje u obliku Povelje Grada Sarajeva.

Član 3.

Priznanje se dobitniku uručuje na Svečanoj sjednici Gradskog vijeća Grada Sarajeva.

Član 4.

Ova Odluka stupa na snagu danom donošenja, a objavit će se u «Službenim novinama Kantona Sarajevo».

PREDSJEDAVALJUĆI GRADSKOG VIJEĆA

Dr. Igor Gavrić

Broj: 01-GV-02- /18

Datum: _____ godine



OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 26. stav 1. tačka 18. Statuta Grada Sarajeva, kojim su utvrđene nadležnosti Gradskog vijeća Grada Sarajeva za donošenje Odluka o priznanjima i nagradi Grada Sarajeva. U članu 7. Odluke o priznanjima i nagradi Grada Sarajeva („Službene novine Kantona Sarajevo”, broj 34/10, 14/14 i 31/14) je propisano, između ostalog da se „Počasnim građaninom može proglasiti i strani državljanin koji je ostvario naročit doprinos razvoju i afirmaciji Grada, te razvoju međunarodnih i međuljudskih odnosa, na načelima solidarnosti, demokratičnosti, humanosti i tolerancije među ljudima.” Odredbama člana 15. stav 2. Odluke o priznanjima i nagradi Grada Sarajeva propisano je, između ostalog, da Gradsko vijeće donosi odluku o dodjeli priznanja, a odredbama člana 12. i 13. Odluke o priznanjima i nagradi propisani su ovlašteni predlagači (između ostalog i privredna društva, te druge organizacije i zajednice) i sadržaj prijedloga.

RAZLOZI DONOŠENJA

Gradonačelnik Grada Sarajeva je uputio prijedlog Gradskom vijeću Grada Sarajeva- Komisiji za izbor i imenovanja, da utvrdi prijedlog odluke za Gradsko vijeće kojom će se Počasnim građaninom Grada Sarajeva proglasiti Stjepan Mesić. Podneseni prijedlog sa obrazloženjem, u prilogu je ove Odluke. Komisija za izbor i imenovanja Gradskog vijeća Grada Sarajeva je razmotrila prijedlog, te utvrdila Prijedlog Odluke i uputila ga Gradskom vijeću na razmatranje.

RJEŠENJA IZ PREDLOŽENE ODLUKE

Usvajanjem ove odluke Gradsko vijeće u članu 1. proglašava imenovanog Počasnim građaninom Grada Sarajeva, a u članu 2. određuje da se Počasnom građaninu uručuje Povelja Grada Sarajeva. U članu 3. se naglašava da će Gradonačelnik uručiti Povelju Grada Sarajeva Počasnom građaninu na Svečanoj sjednici Gradskog vijeća. Članom 4. je definirano stupanje na snagu usvojene odluke i obaveza objavljivanja u „Službenim novinama Kantona Sarajevo”.

SREDSTAVA ZA PROVOĐENJE ODLUKE

Sredstva za provođenje ove odluke se osiguravaju u Budžetu Grada Sarajeva.



Broj:01/04-05-906/18
Sarajevo, 12.02.2018. godine

GRADSKO VIJEĆE GRADA SARAJEVA
Komisija za izbor i imenovanja

Predmet: Prijedlog za dodjelu priznanja "Počasni građanin Grada Sarajeva"

Poštovani,

U skladu sa odredbom člana 12. Odluke o priznanjima i nagradi Grada Sarajeva ("Službene novine Kantona Sarajevo", broj 34/10 - prečišćeni tekst, 14/14 i 31/14) kojom je, između ostalog propisano da prijedlog za dodjelu priznanja može podnijeti gradonačelnik Grada Sarajeva, podnosim:

PRIJEDLOG
za dodjelu priznanja "Počasni građanin Grada Sarajeva"
Stjepanu Mesiću

Navedeni prijedlog obrazlažem sljedećim razlozima:

Gđin Stjepan Mesić, raniji predsjednik Republike Hrvatske, dao je izuzetan doprinos razvijanju i jačanju tradicionalnih i historijskih veza, kako između Republike Hrvatske i Bosne i Hercegovine, tako i između glavnih gradova Zagreba i Sarajeva, koji su svoje prijateljstvo krunisali potpisivanjem Sporazuma o saradnji između Grada Zagreba i Grada Sarajeva u Sarajevu 02. aprila/travnja 2001. godine.

Internacionalna liga humanista (ILH) je ranijem predsjedniku Republike Hrvatske Stjepanu Mesiću, u Sarajevu 15. ožujka/marta 2011. godine, dodijelila Zlatnu povelju "Počasni ambasador kulture, mira i dijaloga", te ga proglasila počasnim predsjednikom Internacionalne lige humanista i idejnim sljedbenikom tvorca ove organizacije akademika Ivana Supeka.

Bezbroj puta pokazao je i dokazao da je iskreni prijatelj Bosne i Hercegovine, a Zlatnu povelju i titulu počasnog predsjednika ILH Mesić je zaslužio svesrdnim promoviranjem i njegovanjem mira, tolerancije, međusobnog razumijevanja, suradnje, kulture dijaloga, kako u regiji tako i u svijetu.



Stjepan Mesić koji uživa veliku ugled u regiji i svijetu, u svojim istupima govori uvijek otvoreno, jasno i prijateljski o Bosni i Hercegovini.

Imajući u vidu navedeno, a posebno ističući da je Stjepan Mesić imao i ima značajnu ulogu i nemjerljiv doprinos kako u unapređenju saradnje i prijateljskih odnosa između Republike Hrvatske i Bosne i Hercegovine, tako i u unapređenju međunarodne saradnje i očuvanju mira, te razvoju međuljudskih odnosa na načelima solidarnosti, demokratičnosti, humanosti i tolerancije među ljudima, smatram potrebnim da se Stjepanu Mesiću dodjeli priznanje Grada Sarajeva "Počasni građanin Grada Sarajeva".

S poštovanjem,

**GRADONAČELNIK
GRADA SARAJEVA**

mr. Abdulah Skaka s.r.

Biografija Stjepana Mesića

Rođen 24. prosinca 1934. g. u Orahovici.

Diplomirao na Pravnom fakultetu Sveučilišta u Zagrebu 1961. godine.

Tijekom studija bio istaknuti studentski lider.

1965. - ulazi u politički život kao zastupnik u Parlamentu SR Hrvatske (Saboru) kad je na listi građana izabran kao zastupnik.

Početak 70-ih, zbog sudjelovanja u pokretu za ravnopravnost Hrvatske u tadašnjoj Jugoslaviji, tzv. 'Hrvatskom proljeću', bio osuđen i proveo godinu dana u zatvoru (Stara Gradiška).

Početak 90-ih pristupa pokretu (kasnije stranci) Hrvatska demokratska zajednica (HDZ).

Od 1990. obnašao je dužnost tajnika stranke, a potom i predsjednika Izvršnog odbora.

30.05.1990. – 25.08.1990. - nakon prvih višestranačkih i slobodnih izbora, imenovan je prvim predsjednikom Vlade Republike Hrvatske

25.08.1990. - odlukom Sabora Republike Hrvatske, postaje članom Predsjedništva Socijalističke Federativne Republike Jugoslavije

01.07.1991. – postao predsjednik Predsjedništva SFRJ (na tom položaju ostaje do prosinca 1991.)

07.09.1992. – 24.05.1994. – obnaša dužnost predsjednika Sabora Republike Hrvatske (smijenjen je zbog toga što je, nezadovoljan ukupnom politikom HDZ-a, a osobito politikom prema BiH, napustio HDZ i osnovao novu političku stranku - Hrvatske Nezavisne Demokrate (HND)).

1997. - poslije rascjepa u HND, s većinom članstva HND-a ulazi u Hrvatsku Narodnu Stranku, te obnaša dužnost izvršnog dopredsjednika HNS-a i predsjednika gradske organizacije Zagreba iste stranke.

7. veljače 2000. - **izabran za Predsjednika Republike**, poslije čega je, želeći biti predsjednikom svih građana Hrvatske, istupio iz stranke.

16. siječnja 2005. - **ponovno izabran za Predsjednika Republike Hrvatske**
Služi se ruskim i francuskim jezikom.

Oženjen, dvije kćeri.

1992. objavljena je knjiga "*Kako smo srušili Jugoslaviju – politički memoari*", a drugo izdanje pod naslovom "*Kako je srušena Jugoslavija*" objavljeno je 1994.

2010. objavljena je knjiga "*Doba ekonomske diplomacije.*"